

HIM-blaðið

FIMMTUDAGUR 12. JÚNÍ 2014



VÍÐIR 

OPIÐ 10-23 ALLA DAGA
HRINGBRAUT • GARÐABÆ • SKEIFUNNI





Okkar Hiroshima var HM 1950

„Í sögu hvefrrar þjóðar er að finna meiriháttar stórslys eða áfall, eitthvað eins og Hiroshima,“ sagði brasilíska leikskáldið Nelson Rodrigues eitt sinn. „Okkar stórslys, okkar Hiroshima, var tapið gegn Úrúgvæ 1950.“ Rodrigues vísar þarna til taps brasilíska landsliðsins fyrir því úrúgvæska í úrslitaleik HM 1950 á Maracanã, hinum þá nýreista þjóðarleikvangi Brasilíu. Brasilía komst yfir með marki Friaça skömmu eftir leikhlé, en tvö mörk frá Juan Schiaffino og Alcides Ghiggia tryggðu Úrúgvæ óvæntan sigur.

Tapið gegn Úrúgvæ – Maracazo eins það er jafnan kallað – hafði djúpstæð áhrif á brasilíska þjóðarsálina og þrátt fyrir að hafa unnið HM fimm sinum síðan þá, auk annarra titla, er sárið frá 1950 ekki gróið. Brasilía þótti sigurstranglegasta liðið á HM á heimavelli og það voru allir búnir að bóka sigur liðsins. Og ekki að ástæðulausu, því það var svo sannarlega ástæða til bjartsýni.

Búið var að semja sérstakt sigurlag, grafa nöfn leikmanna brasilíska leikmannanna á gullmedalíur, um milljón bolir með áletruninni „Heimsmeistarar“



höfðu verið seldir og fyrir leikinn hyllti borgarstjórnin í Ríó de Janeiro sína menn sem heimsmeistara.

Brasilía tefldi fram frábæru liði sem hafði unnið S-Ameríkukeppnina árið áður, þar sem liðið skoraði 46 mörk í átta leikjum. Brasilía vann Mexíkó 4-0 í sínum fyrsta leik á HM, gerði síðan 2-2 jafntefli við Sviss og tryggði sér svo sæti í úrslitariðlinum með 2-0 sigri á Júgóslavíu. Þegar þangað var komið héldu liðinu engin bönd. Brasilía, með framherjatríóið frábæra, Zizinho, Jair og Ademir, tætti Svíþjóð og Spán í sig 7-1 og 6-1 og fátt virtist geta stöðvað liðið.

En Úrúgvæjar voru engir byrjendur og það gleymist stundum hversu gott lið þeirra var. Markvörðurinn Roque Máspoli, Víctor Rodríguez Andrade (nafni hans og frændi hafði orðið heimsmeistari með Úrúgvæ 1930), framherjarnir Schiaffino og Ghiggia

voru allir leikmenn í heimsklassa sem og fyrirliðinn með járnviljann, Obdulio Varela, sem barði kjark í sína menn fyrir úrslitaleikinn og lyfti Jules Rimet-styttunni að honum loknum.

Úrúgvæ græddi reyndar á fyrir-komulagi mótsins, en liðið þurfti aðeins að leika einn leik, gegn Bólivíu sem vannst 8-0, til að komast í úrslitariðlinn. HM 1950 var annars nokkuð sérstakt mót. Þetta var í fyrsta sinn í tólf ár og í fyrsta sinn eftir seinni heimsstyrjöldina sem HM fór fram og aðeins 13 lið tóku þátt, eftir að Frakkar og Indverjar drógu sig úr leik á síðustu stundu, en samkvæmt einhverjum heimildum neituðu Indverjar að taka vegna þess að þeir máttu ekki spila berfættir.



MARK!!! Juan Schiaffino skorar hér fyrsta mark úrslitaleiksins gegn Brasilíu framhjá Barbosa í markinu.

FRÉTTABLAÐIÐ/GETTY

Mörg sterk lið vantaði, ólíkra ástæðna vegna. Argentína var ekki með vegna ósættis við brasilíska knattspyrnusambandið,

Austurríki tók ekki þátt og bar fyrir sig mikinn ferðakostnað, Þýskaland var í banni, Sovétríkin, Ungverjaland og Tékkóslóvakía neituðu að taka þátt og skoska knattspyrnusambandið neitaði að senda lið af því að Skotland vann ekki Home Championship (árleg keppni milli liðanna á Bretlandseyjum).

England tók hins vegar þátt í fyrsta skipti og var í riðli með Spáni, Síle og Bandaríkjunum. Engendingar unnu Síle í fyrsta leik sínum, en töpuðu svo mjög óvænt fyrir Bandaríkjunum 1-0. Tap fyrir Spáni með sömu markatölu

sendi Engendinga heim með skottið á milli lappanna, en Spán áfram í úrslitariðlinn.

Ríkjandi heimsmeistarar Ítalíu voru einnig með, aðallega að nafninu til, en kjarninn úr liðinu hafði farist í Superga-flugslysinu árið áður. Ítalir töpuðu sínum fyrsta leik á HM gegn Ólympíumeisturum Svía og voru nánast úr leik eftir það. Sigur á Paragvæ breytti engu þar um.

Svíar komust í úrslitariðlinn þar sem liðið tapaði fyrir bæði Brasilíu og Úrúgvæ, en þeir gulu og bláu tryggðu sér þriðja sætið með 3-1 sigri á Spáni. Svíar voru með mjög sterk lið á mótinu, sem hefði þó verið enn sterkara ef sænska knattspyrnusambandið hefði leyft atvinnumönnum – sem flestir léku á Ítalíu, þar á meðal Gunnar Gren, Gunnar Nordahl og Niels Liedholm – að taka þátt.

DAVID BECKHAM
INTENSE INSTINCT

Hvað er nýtt á HM?

Það verður boðið upp á ýmsar nýjungar á HM. Það verður stuðst við marklínutækni og einnig verða dómarmar með spreibrúsana á lofti.

Prufað var að nota spreyið í heimsmeistarakeppni félagsliða í desember síðastliðnum og reyndist það vel. Með spreynu geta dómarmar merkt hvar eigi að taka aukaspyrnu og síðan geta þeir merkt hvar veggurinn eigi að vera. Spreyið hverfur svo eftir stuttan tíma.

„Þetta er frábær lausn. Sumir segja að það taki of langan tíma að nota þetta og ég hafði mínar efasemdir á sínum tíma. Dómarmar eru aftur á móti hæstánægðir með þetta,“ sagði Sepp Blatter, forseti FIFA.

Þetta spreng hefur verið notað síðustu ár bæði í Argentínu og Brasilíu. Notkun spreysins hefur orðið til þess að draga úr tuði leikmanna yfir staðsetningu veggjar og aukaspyrnu. Þar af leiðandi flýtur leikurinn betur.

Engendingar munu aldrei gleyma því þegar löglegt mark

var tekið af Frank Lampard gegn Þýskalandi á síðasta HM. Það atvik varð þess valdandi að FIFA fór að skoða marklínutækni af fullri alvöru.

Hönnun búnaðarins hefur heppnast fullkomlega og tekur það enga stund að fá úr því skorið hvort boltinn hafi verið inni eður ei.

Engendingar tóku þetta meðal annars upp á síðustu leiktíð með góðum árangri.

„Þessi tækni er algjörlega af hinu góða,“ sagði Massimo Busacca, fyrrverandi stórdómari og nú yfirmaður dómaramála hjá FIFA. „Það eina sem þessi tækni gerir er að auðvelda dómamanum að sjá hvort boltinn hafi farið yfir línuna. Það er jákvætt og auðvitað eigum við að nýta okkur svona tækni.“

Ekki eru þó allir knattspyrnuáhugamenn jafn ánægðir með þessa innreið tækninnar í boltann. Til eru þeir sem segja hana taka sjarmann af leiknum og sakna þess að geta rifist um umdeild atriði. Það verður í það minnsta ekkert rifist um það á HM núna hvort boltinn sé inni eða ekki.



PIPARTBWA • SÍA • 141716

2014 HM FATAN

25 hot wings
2.399 kr.



svooogott™

FAXAFENI • GRAFARHOLTI • SUNDAGÖRDUM
HAFNARFIRÐI • KÓPAVOGI • MOSFELLSBÆ
REYKJANESBÆ • SELFOSSI WWW.KFC.IS



Ronaldo og Messi báðir á höttunum eftir gullstyttunni eftirsóttu

Cristiano Ronaldo hefur, líkt og Lionel Messi, unnið allt sem einn knattspyrnumaður getur unnið. Og líkt og Messi hefur hann verið gagnrýndur fyrir að ná ekki þeim hæðum með landsliðinu sem hann hefur náð með félagsliðum sínum í gegnum tíðina.

Það er þó ekki svo að Ronaldo hafi aldrei gert neitt með portúgalska landsliðinu. Þegar hann var 21 árs var hann búinn að spila til verðlauna á tveimur stórmótum. Fyrst á EM 2004, þar sem Ronaldo, þá 19 ára, skoraði tvö mörk í sex leikjum þegar Portúgal endaði í öðru sæti á heimavelli.

Tveimur árum síðar á HM í Þýskalandi skoraði Ronaldo eitt mark í sex leikjum þegar Portúgal endaði í fjórða sæti. Hann var þó aðallega milli tanna á fólki vegna atviks í átta liða úrslitunum gegn Englandi, þar hann átti að hafa þrýst á dómarrann, Horacio Elizondo, að gefa Wayne Rooney, samherja hans hjá Manchester United, rautt spjald eftir að sá síðarnefndi hafði traðkað á Ricardo Carvalho, varnarmanni Portúgal.

Ronaldo tókst hins vegar ekki að fylgja þessari góðu byrjun með landsliðinu eftir. Hann var hálf-dauður á EM 2008, þar sem Portúgal féll úr leik í átta liða úrslitum, og náði sér heldur ekki á strik á HM í Suður-Afríku. Ronaldo skoraði aðeins eitt mark, í 7-0 sigri á Norður-Kóreu, og Portúgal féll úr leik fyrir Spáni í 16 liða úrslitum. „Hinn raunverulegi Ronaldo var ekki með á þessu móti“, sagði Carlos Querioz, sem stýrði Portúgal á HM 2010.

Eftir að Paulo Bento tók við af Querioz hefur spilamennska Ronaldos með landsliðinu farið batnandi. Hann var góður á EM 2012 og frammi-staða hans gegn Svíþjóð í umspilsleikjum um sæti á HM í Brasilíu síðasta haust var ógleymanleg, en hann skoraði öll fjögur mörk Portúgals í leikjunum tveimur.

Ronaldo hefur átt glæsilegan feril og er fyrir löngu búinn að skrá sig í sögubækurnar. Hann getur skrifað enn einn kaflann í Brasilíu, þangað sem hann átti stærstan þátt í að koma portúgalska landsliðinu.



Cristiano Ronaldo
29 ára
Sporting CP: 31/5
Man. Utd: 292/118
246/252
Portúgal: 111/49
HM: 10/2
EM: 14/6

Lionel Messi
26 ára
Barcelona: 425/354
Argentína: 86/38
HM: 8/1
S-Ameríku-keppnin: 10/2

Lionel Messi hefur unnið allt sem hægt er að vinna, bæði sem einstaklingur og leikmaður Barcelona. En það vantar einn titil í safnið og þann stærsta að margra mati, sjálfan heimsmeistaratitilinn. Þess er enn beðið að Messi leiði Argentínu til sigurs á HM, líkt og maðurinn sem hann er oftast borinn saman við, Diego Maradona, gerði fyrir 28 árum í Mexíkó.

Messi lék sinn fyrsta leik á HM þegar hann kom inn á sem varamaður í 6-0 sigri Argentínu á Serbíu og Svartfjallalandi árið 2006. Um leið og Messi kom inn á var myndavélunum beint upp í stúku þar sem Maradona stóð, íklæddur argentínsku landsliðstreyjuni, brosandí út að eyrum eins og stoltur faðir.

Messi var ekki lengi að láta að sér kveða og skoraði mark og átti stoðsendingu á þessum fyrstu 16 mínútum sínum á HM. Hann kom hins vegar ekkert við sögu þegar Argentína féll úr leik fyrir Þjóðverjum í átta liða úrslitum.

Messi mætti svo aftur til leiks í Suður-Afríku fyrir fjórum árum, þar sem Maradona sjálfur stýrði argentínska liðinu. Framan af gekk allt vel en Argentína hljóp á þýskan vegg í átta liða úrslitunum. Lokatölur urðu 4-0 í síðasta leik liðsins undir stjórn Maradona.

Það væri hart að segja að Messi hefði verið slakur í Suður-Afríku, en honum mistókst að finna netmóskvana í fimm leikjum og þótt óreiðukennd leikaðferð Maradona hefði ekki hjálpað til, þá spilaði þessi frábæri leikmaður undir pari.

Messi mistókst einnig að skora í Suður-Ameríkukeppninni 2011, en eftir að Alejandro Sabella tók við sem þjálfari hefur Messi öðlast nýtt líf með argentínska landsliðinu. Sabella gerði hann að fyrirliða og síðan þá hefur Messi skorað 21 mark í 25 landsleikjum.

Argentínski snillingurinn fær í sumar þriðja tækifærið til að sigra á HM. Messi býr yfir öllum heimsins hæfileikum, nú þarf hann bara að virkja þá á því stóra sviði sem HM er.

Dómararnir á HM

Þann 14. janúar opinberaði dómarráðgjafi FIFA listann yfir þá 25 dómara sem munu dæma á HM í Brasilíu. Dómararnir koma frá sex heimsálfum; fjórir frá Asíu, þrjár frá Afríku, fimm frá Suður-Ameríku, þrjár frá Norður- og Mið-Ameríku, einn frá Eyjaálfu og níu frá Evrópu.

Ravshan Irmatov frá Úsbekistan er reynslumesti dómari á HM, þrátt fyrir að vera aðeins 36 ára gamall. Hann hefur dæmt 114 landsleiki og var yngsti dómari á HM í Suður-Afríku fyrir fjórum árum. Þar dæmdi hann fimm leiki, þar á meðal opunarleik mótsins og annan undanúrslitaleikinn. Irmatov þykir einna líklegastur til að dæma úrslitaleikinn á Maracana 13. júlí.

Í því samhengi hefur einnig verið horft til Japanans Yuichi Nishimura, en hann mun dæma opunarleik HM á milli Brasilíu og Króatíu. Nishimura dæmdi einnig í S-Afríku, meðal annars leik Hollands og Brasilíu í átta liða úrslitum, auk þess sem hann var fjórði dómari í úrslitaleiknum sem Howard Webb dæmdi.

Þjórn Kuipers þykir einnig líklegur kostur, en Hollendingurinn dæmdi úrslitaleik Álfukeppninnar fyrir ári og úrslitaleik Meistaradeildar Evrópu



Ravshan Irmatov

í vor. Nafn Portúgalans Pedros Proenca hefur einnig verið nefnt, en hann hélt meðal annars um flautuna í úrslitaleik Meistaradeildarinnar 2012 og úrslitaleik EM sama ár.

Sú staðreynd að Webb dæmdi úrslitaleikinn 2010 vinnur þó gegn Kuipers, Proena og öðrum evrópskum dómurum. Það er sömuleiðis ólíklegt að dómari frá Suður-Ameríku fái stóra tækifærið, en 40 ár eru liðin frá því dómari frá sömu heimsálfu og HM er haldið í dæmdi úrslitaleik.

Argentínumaðurinn Nestor Pitana og Brasilíumaðurinn Sandro Ricci eru reynsluminnstu dómarnir á HM, en þeir hafa báðir dæmt 38 landsleiki.

Þeir þreyta frumraun sína á HM ásamt 17 öðrum dómurum.

Áhorfendur ættu einnig að fylgjast með hinum mexíkóska Marco Rodríguez sem er afar spjaldaglaður.

Rodríguez, sem er að fara á sitt þriðja HM, hefur gefið 51 rautt spjald í þeim 79 landsleikjum sem hann hefur dæmt á ferlinum. Mexíkóinn starfar sem prestur meðfram dómgæslunni.

Dick CEPEK TIRES & WHEELS

JEPPADEKK

Hljóðlát og endingargóð jeppadekk sem koma þér örugglega hvert á land sem er.

Kletthálsi 3 | 110 Reykjavík | 540 4900
www.arctictrucks.is

ARCTIC TRUCKS



ÞAÐ BYRJAR
HJÁ ÞÉR



0% ALKÓHÓL*
ENGINN SVIÐI



**ÞAÐ ER TIL BETRI LEIÐ
TIL AÐ RÓA HÚÐINA**

Prófaðu nýju NIVEA MEN Sensitive næringuna eftir rakstur.
Án alkóhóls og berst gegn sviða, kláða og roða.

*Ekkert Etanól



Allt við suðumark

Valið á Brasilíu sem gestgjafa HM í knattspyrnu árið 2014 kom fáum á óvart. Eftir að Kólumbía dró umsókn sína um að halda keppnina til baka var Brasilía eina umsóknarþjóðin sem stóð eftir. Það var því aðeins formsatriði að nafn landsins yrði dregið úr umslaginu í október 2007. Brasilía hafði frá upphafi verið augljósi valkosturinn enda kváðu reglur FIFA á um að hvert heimsmeistaramót yrði að vera haldið í ólíkri heimsálfu og árið 2014 var röðin komin að Suður-Ameríku.

Fyrir ekki svo löngu virtist allt í lukkunnar velstandi í Brasilíu. Efnahagurinn blómstraði, Ríó de Janeiro var valin til að halda Ólympíuleikana 2016 og ekki skemmdi sigurinn á heimsmeisturum Spánverja í úrslitaleik Álfukeppninnar 2013 fyrir.

Undir yfirborðinu kraumaði hins vegar djúpstæð óánægja. Þegar Álfukeppnin í Brasilíu hófst gekk mótmælaalda yfir landið. Í Ríó mótmæltu 300.000 manns hið minnsta og samanlagt tvær milljónir manna tóku þátt í mótmælum í meira en 80 borgum víðs vegar um Brasilíu. Mót-



mælin hafa meðal annars verið kölluð Revolta do Busão, eða Strætóbyltingin, og var þeim beint gegn hækkandi fargjöldum í almenningsamgöngum.

Það var þó ekki allt, því aðrir þættir komu einnig inn í dæmið. Almenn-ingur var búinn að fá sig fullsaddan af landlægrri spillingu og skorti á fjárveitingu í mennta- og heilbrigðismál, á sama tíma og óheyrilegar fjárhæðir fóru í að undirbúa dýrustu heimsmeistarakeppni sögunnar. Bloomberg-fréttaveitan gerir ráð fyrir að keppnin muni kosta rúma 1.600 milljarða króna, en þessar upphæðir, sem hafa farið langt fram úr áætlun, hafa vakið hneykslan.

Reiði fólks beinist ekki einungis gegn stjórnvöldum heldur einnig gegn FIFA sem margir sjá fyrir sér sem græðgina holdi klædda, hrægamm sem muni rýja Brasilíu inn að skinni.

Knattspyrnugöðsögnin Romário hefur meðal annarra lýst sig andsnúinn fjárustrinu og kallað Sepp Blatter, forseta FIFA, þjóf og skíthæl.

Mótmælin hafa tekið aftur við sér eftir því sem nær dregur mótinu, en nú síðast fóru lestarstarfsmenn í Sao Paulo í verkfall og lömuðu þar með stóran hluta samgöngukerfis fjölmennustu borgar landsins. Hrottaskapur lögreglunnar hefur heldur ekki bætt úr skák, bæði gagnvart mótmælendum og í „friðþægingaraðgerðum“ í fátækrahverfunum. Gróft ofbeldi af hálfu lögreglumanna er ekki óalgengt í baráttu hennar gegn glæpagengjum og fólk er jafnvel hræddara við laganna verði en glæpamennina.

Ævintýri Brasilíu virðist vera að breytast í martröð. Góðærinu er lokið og framtíðin er óljós. Þeim



Brasilíumönnum sem eru óánægðir með ástandið í landinu fjölga sífellt og mælast þeir nú 72 prósent þjóðarinnar. Fólk virðist ekki sætta sig lengur við grófa misskiptingu auðs, spillingu og taumlausa eyðslu í hvíta fíla líkt og HM.

Það eina sem gæti réttlætt fjárustríð í augum margra Brasilíumanna

er heimsmeistaratitill. En þótt Brasilía standi uppi sem sigurvegari á HM er það engin trygging fyrir því að öldurnar lægi, enda bíða þessa fjölmennasta ríkis Suður-Ameríku miklar áskoranir. Það er oft sagt að knattspyrna sé trúarbrögð. Ef svo er þá hefur brasilíska þjóðin fundið takmörk-trúar sinnar.

adidas®
get ready!

The winning line-up!

Á síðustu stundu

Þegar hinn 32 ára gamli byggingaverkamáður Muhammad Ali Maciel Afonso mætti í vinnuna fimmtudaginn 8. maí fyrr á þessu ári var það hans síðasti vinnudagur. Hann var að setja upp samskiptabúnað í hinum glænýja leikvangi Arena Pantanal í vestanverðri Brasilíu þegar hann varð fyrir raflosti. Hálf tíma síðar var hann látinn.

Afonso var áttundi verkamaðurinn sem lést við undirbúning heimsmeistaramótisins í knattspyrnu sem hefst í dag. Fyrr á þessu ári fóru verkamenn við Manaus-leikvanginn í verkfall til að krefjast betri vinnuaðstæðna eftir að þriðji vinnufélagi þeirra hafði látist af slysförum.

Það hefur gengið á ýmsu í undirbúningnum fyrir HM. Þrátt fyrir að allir tólf leikvangarnir ættu að vera tilbúnir fyrir árslok 2013 standa framkvæmdir við nokkra þeirra enn yfir.

Einnig er óvíst hvort flugvellir og aðrar samgöngur landsins verði tilbúnar til að taka á móti öllum þeim fjölda fólks sem kemur til með að heimsækja landið meðan á HM stendur. Sepp Blatter hefur lýst því yfir að á ferli sínum hjá FIFA hafi hann aldrei séð gestgjafa vera jafn langt á eftir áætlun, jafnvel þótt Brasilía hafi fengið meiri tíma en nokkur önnur gestgjafarþjóð til að undirbúa sig.


Arena de São Paulo mun hýsa opunarleik mótisins á milli Brasilíu og Króatíu. Þak leikvangsins mun þó líklega ekki



vera tilbúið fyrr en að mótinu loknu. Í undirbúningssleik fyrr í mánuðinum voru aðeins 40.000 miðar seldir, þótt völlurinn taki 65.000 manns í sæti. Ástæðan var sú að slökkviliðið vildi ekki hleypa áhorfendum inn á hluta vallarins af öryggisástæðum.

Erfiðleikarnir við undirbúning HM munu að öllum líkindum endurtaka sig fyrir Ólympíuleikana í Ríó 2016. Nýlega kom fram í fréttum að flóinn, þar sem siglingakeppnir leikanna munu fara fram, er og verði undirlagður rusli, skólpi og jafnvel mannslíkum og hundshræjum. En eins og staðan er núna eiga Brasilíumenn nóg með að leggja lokahönd á HM sem hefst í dag.

Heimsmeistaramótið 2014 á að vera tákun um vaxandi efnahagsmátt og sterka stöðu Brasilíu í alþjóðasamfélaginu, líkt og þegar landið hélt HM síðast fyrir 64 árum. Hinir glæstu draumar þjóðarinnar urðu þá vonbrigðum að bráð, bæði á knattspyrnuvelli og í brasilíska samfélagi. Mun sagan endurtaka sig í ár?



siminn.is

Sæktu Sjónvarp Símans appið og taktu HM með þér í fríið

Með snjalltæki og Sjónvarp Símans appinu geturðu horft á útsendingar frá HM í fótbolta hvar sem er á 3G/4G neti Símans.

Síminn býður þér á opunarleikinn

Opunarleikur Brasilíu og Króatíu verður að sjálfsgöðu í beinni og ef þú ert 3G/4G viðskiptavinur Símans borgarðu ekkert fyrir gagnamagnið þegar þú streymir leiknum með appinu.

Vertu í sterkara sambandi - Síminn





Brasilía 2014: HM í fótbolta

Sögufrægasta lið HM frá upphafi býður knattspyrnuheiminum í heimsókn í annað skipti þar sem liðið vonast til þess að lyfta bikarnum í sjötta sinn.

Fimm stjörnu lið

1950 Brasilía: Brasilíska þjóðin verður fyrir áfalli er heimamenn tapa fyrir Úrúgvæ í úrslitum á Maracano-vellinum.

★1958 Svíþjóð: Hinn 17 ára gamli Pelé stelar senunni og Brasilía vinnur heimsmeistarakeppnina.

★1962 Síle: Brasilíumenn halda titlinum þó svo Pelé sé meiddur og geti ekki spilað.

★1970 Mexíkó: Besta HM-lið frá upphafi með Pelé, Gerson, Jairzinho, Rivelino og Carlos Alberto vinnur Jules Rimet-styttuna í þriðja sinn.

★1994 Bandaríkin: Markalaus úrslitaleikur en Brasilía sigur Ítalví eftir vítaspyrnukeppni. Fyrsti HM-titillinn í 24 ár.


★2002 Suður-Kórea/Japan: Ronaldo rifur sig upp eftir vonbrigðin í úrslitaleiknum 1998. Hann er stjarna úrslitaleiksins er Brasilía leggur Pýskaland að velli.



GRÍÐARLEGAR VÆNTINGAR
Brasilía bindur vonir sínar við stórstjörnuna Neymar og landsliðsfélaga hans.

HELSTU KEPPINAUTAR

- HM-leikir gegn Brasilíu
Svíþjóð: 7 leikir en Svíar eru ekki á HM 2014.
Sigar 5
Jafntefli 2
Töþ 0
- Spánn 5 3-1-1
 - Ítalía 5 2-1-2
 - Argentína 4 2-1-1
 - Frakkland 4 1-1-2
 - Holland 4 1-1-2
 - England 4 3-1-0




Riðlakeppnin

Group	Match	Location
A	12. Brasilía vs Króatía	Sao Paulo
	13. Mexíkó vs Kamerún	Natal
	17. Brasilía vs Mexíkó	Fortaleza
	18. Kamerún vs Króatía	Manaus
B	13. Spánn vs Holland	Salvador
	17. Brasilía vs Mexíkó	Fortaleza
	18. Ástralía vs Holland	Porto Alegre
	23. Ástralía vs Spánn	Curitiba
C	14. Kólumbía vs Grikkland	Belo Horizonte
	19. Kólumbía vs Filabeinsströndin	Brasilía
	24. Japan vs Kólumbía	Cuiaba
	24. Japan vs Grikkland	Fortaleza
D	14. Úrúgvæ vs Kostaríka	Fortaleza
	19. Úrúgvæ vs England	Sao Paulo
	24. Kostaríka vs England	Belo Horizonte
	24. Kostaríka vs Úrúgvæ	Natal
E	15. Sviss vs Ekvador	Brasilía
	20. Sviss vs Frakkland	Salvador
	25. Hondúras vs Sviss	Manaus
	25. Hondúras vs Ekvador	Rio de Janeiro
F	15. Argentína vs Bosnía	Rio de Janeiro
	21. Argentína vs Íran	Belo Horizonte
	25. Nígería vs Bosnía	Cuiaba
	25. Nígería vs Argentína	Porto Alegre
G	16. Pýskaland vs Portúgal	Salvador
	21. Pýskaland vs Gana	Fortaleza
	22. Bandaríkin vs Portúgal	Manaus
	26. Portúgal vs Gana	Brasilía
H	17. Belgía vs Alsír	Belo Horizonte
	22. Belgía vs Rússland	Rio de Janeiro
	26. Alsír vs Rússland	Curitiba
	26. Alsír vs Suður-Kórea	Sao Paulo

Efstu tvö liðin í hverjum riðli komast áfram

Ef þaðan er jöfn eftir 90 mínútur í útsláttarkeppninni verður framlengt. Ef á þarf að halda er vítaspyrnukeppni.




HEIMSMEISTARAR

1930 Úrúgvæ	Úrúgvæ
1934 Ítalía	Ítalía
1938 Ítalía	Frakkland
1950 Úrúgvæ	Brasilía
1954 Vestur-Pýskaland	Sviss
1958 Brasilía	Svíþjóð
1962 Brasilía	Síle
1966 England	England
1970 Brasilía	Mexíkó



Kostnaður við endurbýgingu 46,3 ma.kr.

Ný áhorfendatala: 73.531



Mynd: Getty Images, Associated Press, TJ Lin



1974 Vestur-Pýskaland	Vestur-Pýskaland
1978 Argentína	Argentína
1982 Ítalía	Spánn
1986 Argentína	Mexíkó
1990 Vestur-Pýskaland	Ítalía
1994 Brasilía	Bandaríkin
1998 Frakkland	Frakkland
2002 Brasilía	Suður-Kórea/Japan
2006 Ítalía	Pýskaland
2010 Spánn	Suður-Afríka

© GRAPHIC NEWS

Ábendingahappinn má finna á www.barnaheill.is

Vissir þú að...
Foreldrar bera megin ábyrgð á að smátt að líkamlegum, andlegum og félagslegum þroska barna sinna.

Save the Children á Íslandi

LG HM TILBOÐ Á SJÓNVÖRÐUM



ÓTRÚLEG SKERPA OG GÆÐI

50" Full HD Plasma sjónvarp 1920x1080p upplausn. 600Hz Sub Field Drive. Triple XD Engine. Picture Wizard II. Superb Contrast. 2.000.000:1. Real Cinema 24p. Digital móttakari DVB-T2. Progressive Scan. 20w Nicam Stereó, Virtual Surround. USB tengi fyrir afspilun á DivX HD, JPEG, MP3, WMA. Scart, 2x HDMI, Component tengi, CI rauf, CVBS, Optical tengi o.fl.

600Hz MAX

Með 600 riðum tryggir þetta LG sjónvarp þér skýra og góða mynd, jafnvel þegar verið er að horfa á hraðar myndir eins og fótbolta eða spila tölvuleiki.

Triple XD Engine

Öflugur Triple XD myndvinnslubúnaður nær fram ótrúlegum gæðum í litum og skerpu 3.000.000:1.

Protective Glass

Tækið er með gler framan á skjánum sem verndar tækið og dregur úr líkum á að tækið skemmist.

LG-50PN650T

129.990

FULLT VERÐ 149.990



Sjónvarpsmiðstöðin

RAFTÆKJAVERSLUN • SÍÐUMÚLA 2 • SÍMI 568 9090 • WWW.SM.IS



LG

Life's Good



Fylgstu með þessum á HM

Ivan Rakitić

26 ára, miðjumaður
Króatía (62/9) Sevilla


Króatinn átti frábært tímabil með Sevilla, sem vann Evrópudeildina og endaði í fimmta sæti í spænsku úrvalsdeildinni. Rakitić, sem er fæddur og uppallinn í Sviss, er sparkviss með afbrigðum, með góða yfirsýn og getur bæði skapað og skorað mörk. Hann og Luka Modrić spila saman á miðju króatíska liðsins og eins og við Íslendingar fengum að kynnast í umspilsleikjunum síðasta haust getur verið næsta ómögulegt að ná boltanum af þeim.



Serge Aurier

21 árs, hægri bakvörður
Fílabeinsströndin (9/0) Toulouse

Aurier er búinn að bola Emmanuel Eboue burt úr landsliðinu og hefur eignað sér hægri bakvarðarstöðuna hjá Fílabeinsströndinni. Hann er gríðarlega kraftmikill og öflugur jafnt í vörn sem sókn. Aurier skoraði sex mörk fyrir Toulouse á tímabilinu, lagði upp önnur sex og var valinn í lið ársins í frönsku úrvalsdeildinni. Þykir líklegur arftaki Bacarys Sagna hjá Arsenal.



Keylor Navas

27 ára, markvörður
Kostaríka (53/0) Levante


Kostaríka lenti í erfiðum riðli, með Ítalíu, Englandi og Úrúgvæ. Það kemur því væntanlega mikið til með að mæða á markverði liðsins, Keylor Navas. Hann er þó vanur að hafa mikið að gera, en enginn markvörður í fimm bestu deildum Evrópu varði fleiri skot en Kostaríkamaðurinn á nýafstöðnu tímabili. Navas hélt 16 sinnum hreinu og átti stærstan þátt í því að Levante fékk aðeins 43 mörk á sig í spænsku úrvalsdeildinni, en aðeins efstu fjögur liðin fengu á sig færri mörk.



Ricardo Rodríguez

21 árs, vinstri bakvörður
Sviss (21/0) Wolfsburg

Jóhann Berg Guðmundsson fór illa með Rodríguez í eftirminnilegum leik Sviss og Íslands í fyrra, en það breiðir ekki yfir þá staðreynd að hann er einn besti ungi leikmaðurinn í Evrópu. Rodríguez, sem á spænskan föður og móður frá Síle, er með magnaðan vinstri fót og er hættulegur í föstum leikatriðum sem og í opnum leik. Bakvörðurinn skoraði fimm mörk og gaf níu stoðsendingar í þýsku Bundesligunni á tímabilinu sem leið.



Juan Cuadrado

26 ára, kantmaður
Kólumbía (28/4) Fiorentina


Kólumbía hefur á að skipa mörgum spennandi leikmönnum og Juan Cuadrado er einn þeirra. Hann er fjölhæfur, býr yfir miklum hraða, krafti og tækni sem gera hann að einum besta „dribblaranum“ í fótboltanum í dag. Þegar Cuadrado er í stuði er fátt sem getur stöðvað hann. Kólumbíumaðurinn spilaði frábærlega með Fiorentina á nýafstöðnu tímabili og skoraði meðal annars 11 mörk í Serie A.



Oribe Peralta

30 ára, framherji
Mexíkó (27/16) Club América

Peralta vann sér ekki fast sæti í mexíkóska landsliðinu fyrr en hann varð orðinn 27 ára, en síðan þá hefur hann ekki hætt að skora. Peralta tryggði Mexíkó gullverðlaun á Ólympíuleikunum í London 2012 með tveimur mörkum í úrslitaleiknum gegn Brasilíu, og þá skoraði hann tíu mörk í undankeppni HM 2014, en fimm þeirra komu í umspilsleikjunum gegn Nýja-Sjálandi.



Ray-Ban DAGAR

12. til 15. júní
í Smáralind og Keflavík

20%
afsláttur

Umboðs- og dreifingaraðili Ray-Ban á Íslandi

Optical Studio

SMÁRALIND • KEFLAVÍK

Andrea Stefánsdóttir,
Ray-Ban
mod 3025



Suðurlandsbraut 32



CRAFT



WWW.FACEBOOK.COM/TRI.IS



Verð án afsláttar -

~~149.990kr~~

Verð með afslætti -

119.990kr

20% afsláttur CUBE AIM SL^{29"}

Á meðan birgðir endast!

Einnig er 20% afsláttur af CUBE LTD CLS HYBRID á meðan birgðir endast!

WWW.TRI.IS

Verzlunin er opin:
Alla virka daga kl. 10:00 til 18:00
Laugardaga kl. 10:00 til 16:00



Þessir slógu óvænt í gegn á HM

Salvatore Schillaci Ítalía | HM 1990

Sennilega frægasta dæmið um eins móts undur. Enginn sá það fyrir að Schillaci yrði ein af aðalstjörnum HM 1990. Sikileyungurinn kom inn á sem varamaður í fyrsta leik Ítalíu gegn Austurríki og skoraði sigurmarkið, en alls skoraði hann sex mörk á mótinu og varð markakóngur þess. Frægðarsól Schillacs hneig hins vegar hratt til viðar. Hann skoraði aðeins eitt mark fyrir ítalska landsliðið eftir HM 1990 og aðeins 22 mörk á næstu fjórum tímabilum í Serie A. Schillaci lauk ferlinum með Júblío Iwata í Japan.



Oleg Salenko Rússland | HM 1994

„Hann er kominn, hann er farinn,“ þau fleygu orð úr Útlaganum eiga ágætlega við um landsliðsferil Salenkos. Hann átti aðeins fimm landsleiki að baki fyrir Rússland þegar HM 1994 hófst og hann bætti þremur við í Bandaríkjunum. Salenko kom inn á sem varamaður gegn Brasilíu, skoraði eina mark Rússlands í tapi gegn Svíþjóð og sprakk svo út í lokaleikum gegn Kamerún þar sem hann skoraði fimm mörk, en Salenko er til þessa dags eini leikmaðurinn sem hefur afrekað það í sögu HM. Leikurinn gegn Kamerún var jafnframt hans síðasti landsleikur.

Joe Gaetjens Bandaríkin | HM 1950

Gaetjens lék aðeins þrjá landsleiki og skoraði eitt mark, en með því skráði hann nafn sitt í HM-sögubækurnar. Gaetjens skoraði eina mark leiksins þegar Bandaríkin unnu England á HM 1950, en þau úrslit eru jafnan talin með þeim óvæntari í sögu HM. Þegar enskur ritstjóri sá úrslitin taldi hann að um innsláttarvillu væri að ræða, leikurinn hlyti að hafa farið 10-1 fyrir England. Það skrítnasta við þetta allt saman var kannski að Gaetjens, sem fæddist á Haítí, var ekki einu sinni með bandarískan ríkisborgararétt og fékk aldrei slíkan. Talið er að hann hafi verið tekinn höndum og myrtur af leynipjónustu François „Papa Doc“ Duvalier, forseta Haítí, árið 1964.



Mwepe Ilunga Saír | HM 1974

Ein helsta költhetja HM-sögunnar. Ilunga er þekktastur fyrir atvik sem átti sér stað í leik Saír og Brasilíu á HM 1974, þar sem hann hljóp úr varnarveggnum og þrumaði boltanum í burtu þegar Brasilíumenn voru að undirbúa aukaspyrnu. Þetta leit kjánalega út, Brassarnir hristu hausinn og áhorfendur hlógu, en raunveruleikinn var ekki jafn broslægur. Ilunga og samherjar hans, sem höfðu tapað tveimur fyrstu leikjum sínum 2-0 og 9-0, fengu fyrir leikinn þau skilaboð frá mönnum einræðisherrans, Mobutu Sese Seko, að ef þeir myndu tapa með fleiri en þremur mörkum gegn Brasilíu fengju þeir aldrei að sjá fjölskyldur sínar framar. Leikurinn gegn Brasilíu var því í bókstaflegri merkingu upp á líf og dauða fyrir Saírmenn. Sem betur fer endaði leikurinn „bara“ 3-0 og Ilunga er, eftir því sem best er vitað, enn á lífi.

Pak Doo-ik Norður-Kórea | HM 1966

Norður-Kórea fékk eitt stig úr fyrstu tveimur leikjum sínum á HM 1966 og aðstoðarþjálfari Ítalíu, sem fylgdist með þeim, sagði að það hefði verið eins og að horfa á gamanmynd. En í þriðja leiknum komu N-Kóreumenn, vel studdir af áhorfendum á Ayresome Park í Middlesbrough, öllum á óvart og unnu Ítali 1-0 með marki frá Pak. N-Kóreumenn fóru áfram í átta liða úrslit á kostnað Ítala sem voru grýttir með tómtum við heimkomuna. Pak og félagar duttu út í átta liða úrslitum gegn Portugal (eftir að hafa komist 3-0 yfir eftir 24 mínútna leik), en afrekum þeirra voru seinna gerð skil í heimildarmyndinni The Game Of Their Lives.



4. Landsmót UMFÍ 50+



Íþrótt- og heilsuhátíð!

Húsavík 20.–22. júní 2014 **Skráning: umfi.is**

Velkomin til Húsavíkur!



Keppnisgreinar:

Blak, boccia, bogfimi, bridds, dráttavélaakstur, fjallahlaup, frjalsar, íþróttir, gólf, hestaíþróttir, hrútaðómar, jurtagreining, línudans, pútt, pönnukökubakstur, ringó, skák, skotfimi, stígvélakast, sund, sýningar, þriþraut.



Spilað með Brazuca

Keppnisbolti HM 2014 heitir Brazuca og er hannaður af Adidas sem hefur séð FIFA fyrir boltum á HM síðan 1970. Þetta er í fyrsta skipti sem almenningur velur nafn á keppnisboltann.

Yfir milljón manns tóku þátt í kosningunni um besta nafnið og fékk Brazuca tæplega 78 prósent atkvæða. Hin nöfnin sem komu til greina voru Bossa Nova og Carnavalesca. Bossa Nova fékk rúm 14 prósent en Carnavalesca aðeins rúm 7 prósent.

Munstrið og litirnir í boltanum er vísun í hin brasilíska óskabönd sem eru mjög svo vinsæl í landinu. Orðið Brazuca er orð sem heimamenn nota meðal annars stoltir er þeir lýsa því hvernig það sé að vera Brasilíumaður og einlægur knattspyrnuunnandi.

Boltinn er framleiddur í

Pakistan af Forward Sports. Fyrirtækið fékk samninginn óvænt eftir að aðalframleiðandi Adidas í Kína gat ekki sinnt eftirspurninni. Forward Sports hefur unnið með Adidas síðan 1995 og framleitt marga bolta fyrir fyrirtækið, meðal annars bolta fyrir Meistaradeildina.

Boltinn er 473 grömm að þyngd og hann var prófaður af yfir 600 knattspyrnumönnum og 30 liðum út um allan heim á tveimur og hálfu ári. Meðal þeirra sem gáfu sitt samþykki voru Lionel Messi og Zinedine Zidane.



Hættu að hanga!

Komdu að hjóla, synda eða ganga!

Ganga.is

Skráðu þig, þitt fyrirtæki eða hóp til leiks á www.ganga.is



FIFA WORLD CUP
BRASIL

ÞAÐ VERÐUR HM VEISLA Á WILSONS PIZZA!
STÓR PIZZA AF MATSEÐLI MEÐ
40% AFSLÆTTI



GILDIR FRAM YFIR ÚRSLITALEIKINN

Stór Rambó

Pizzasósa, ostur, kjúklingur,
pepperoni, sveppir,
jalapeno, cheddarostur

~~2950~~

1794

kr.



Stór Hawaiian

Pizzasósa, ostur,
skinka, ananas

~~2450~~

1494

kr.



Stór Double pepp

Pizzasósa, auka ostur,
tvöfalt pepperoni,
chilli (litid)

~~2750~~

1674

kr.



PANTAÐU
Á NETINU



581 15 15 wilsons.is



Ánanaustum

Gnodavogi 44

Eddufelli 6

Vesturlandsvegi



Lukkudýrið Fuleco

Það er löngu komin hefð fyrir því að það sé sérstakt lukkudýr á HM. Fyrsta lukkudýrið var á HM í Englandi árið 1966. Það hét hinu skemmtilega nafni World Cup Willie. Lukkudýrið var eðlilega ljón.

Lukkudýrið í Brasilíu heitir Fuleco og er beltisdýr. Þessi tegund af beltisdýri er aðeins til í Brasilíu og þess utan í útrýmingarhættu. Brasilíumönnum er umhugað um dýrið.

Með því að velja beltisdýr sem lukkudýr mótsins vonast Brasilíumenn til að fólk kynni sér þann fjölda dýra sem eiga heimkynni í landinu. Hvað sem því líður þá má klárlega stóla á að Fuleco verður í banastuði næsta mánuðinn.



Hm í tölum

- 1. Bosnía og Hersegóvína** er eini nýliðinn á HM. Bosníumenn hafa áður leikið á HM, undir merkjum Júgóslavíu, en þetta er í fyrsta sinn sem Bosnía tekur þátt sem sjálfstætt ríki.
- 2. Ekkert lið hefur fengið á sig** jafn fá mörk á HM og Angóla. Liðið var með í fyrsta og eina skipti í Þýskalandi 2006, þar sem liðið fékk aðeins á sig tvö mörk í þremur leikjum gegn Portúgal, Mexíkó og Íran.
- 3. England hefur oftast fallið** úr leik án þess að hafa tapað leik (vítaspyrnukeppnir ekki meðtaldar). Það gerðist 1982, 1990 og 2006.
- 4. Þýskaland hefur oftast unnið** silfur og brons á HM, eða fjórum sinnum hvor verðlaun. Alls hafa Þjóðverjar unnið til verðlauna á 11 af þeim 17 mótum sem liðið hefur tekið þátt í til þessa.
- 5. Bora Milutinovic og Carlos Alberto Parreira** hafa þjálfað flest lið á HM, eða fimm lið hvor. Milutinovic stýrði Mexíkó (1986), Kostaríka (1990), Bandaríkjunum (1994), Nígíeríu (1998) og Kína (2002) og Parreira þjálfaði Kúveit (1982), Sameinuðu arabísku furstadæmin (1990), Brasilíu (1994 og 2006), Sáði-Arabíu (1998) og Suður-Afríku (2010).
- 6. Aldrei hafa jafn margir leikmenn skorað** fimm eða fleiri mörk á einu HM og árið 1994 í Bandaríkjunum. Hristo Stoichkov og Oleg Salenko skoruðu báðir sex mörk og Romário, Kenneth Andersson, Jürgen Klinsmann og Roberto Baggio fimm hver.
- 7. Ekkert lið hefur farið taplaust** í gegnum jafn mörg mót og Brasilía. Það hefur gerst sjö sinnum: 1958, '62, '70, '78, '86, '94 og 2002.
- 8. Átta lið hafa orðið heimsmeistarar:** Úrúgvæ, Ítalía, Þýskaland, Brasilía, England, Argentína, Frakkland og Spánn.
- 9. Þrír leikir á HM hafa endað** með níu marka sigri: Ungverjaland 9-0 S-Kórea (1954), Júgóslavía 9-0 Saír (1974) og Ungverjaland 10-1 El Salvador (1982).
- 10. Peter Shilton og Fabien Barthez** hafa haldið hreinu oftast allra markvarða á HM, eða tíu sinnum hvor.
- 11. Enginn þjálfari hefur stýrt liði** til jafn margra sigra í röð og Luiz Felipe Scolari. Undir hans stjórn vann Brasilía alla sjö leiki sína á HM 2002 og Portúgal fyrstu fjóra á HM 2006.
- 12. Aldrei hafa verið skoruð** fleiri mörk í leik á HM en þegar Austurríki vann Sviss með sjö mörkum gegn fimm árið 1954.
- 13. Just Fontaine á metið** yfir flest mörk skoruð í einni keppni. Framherjinn skoraði 13 mörk þegar Frakkland vann til bronsverðlauna á HM í Svíþjóð 1958.
- 14. Ekkert lið hefur tekið** jafn oft þátt á HM án þess að komast í undanúrslit og Mexíkó.
- 15. Ronaldo er markahæsti** leikmaður í sögu HM með 15 mörk. Hann skoraði fjögur mörk 1998, átta mörk 2002 og þrjú mörk 2006.
- 16. Bakvörðurinn Cafu** hefur oftast verið í sigurliði á HM, eða 16 sinnum.
- 17. Ekkert lið hefur leikið** jafn marga leiki í röð á HM án þess að vinna, en Búlgaría vann ekki fyrr en í 18. leik.
- 18. Brasilía (1930-1958) og Þýskaland (1934-1958)** hafa skorað að minnsta kosti eitt mark í flestum leikjum í röð á HM, eða 18 talsins.
- 19. Ekkert lið hefur endað** jafn oft í efstu 16 sætum á HM og Brasilía.
- 20. HM í Brasilíu** er 20. mótið sem fer fram. Brasilía er eina liðið sem hefur tekið þátt á þeim öllum.

HLEÐSLA 100%
ÍPRÓTTADRYKKUR HÁGÆÐA
PRÓTEIN



64 FÓTBOLTALEIKIR Á EINUM MÁNUÐI



**SAMA HVAÐ GERIST
LÍKAMINN ÞARF HLEÐSLU**

HLEÐSLA.IS

**ÞÚ ERT
EKKI
ÞÚ ÞEGAR
ÞÚ ERT
SVANGUR**



ER MÁLIÐ!



Demichelis verður hetjan

Í A-riðli vinna Brassar en baráttan um annað sætið verður milli Íslands-vinanna í Króatíu og Mexíkó.

Spánverjar og Hollendingar verða í tveimur efstu sætum í B-riðli og Kólumbía og Filabeinsströndin rúlla upp C-riðlinum.



Arnar Björnsson

D-riðillinn verður jafn og algjörlega vonlaust að spá um úrslitinn þar. Ítalir gætu unnið en meiðsli Luis Suarez gætu

hjálpað Englendingum til að vinna annað sætið.

Frakkar og Sviss bursta E-riðilinn og flott frumraun Bosníu tryggir þeim annað sætið í F-riðli, sem Argentína sigrar í. Gana kemur á óvart og fylgir Þjóðverjum úr G-riðli (Ronaldo er enn meiddur). Belgar taka Rússa með sér úr H-riðli.

Liðin fjögur sem komast í undanúrslit verða Brasilía, Argentína, Spánn og Þýskaland. Í undanúrslitum verða Suður-Ameríkuliðin sterkari, Brasilía vinnur Þýskaland (sem saknar Mario Götze) og Lionel Messi kremur hjórtu Spánverja í tætlur og fer á kostum þegar Argentína skýtur heimsmeisturinum út úr keppinni.

Í úrslitaleiknum verður Martín Gastón Demichelis hetja Argentínanna þegar hann þakkar sókn-djörfum Brössum saman. Messi skorar í úrslitaleiknum og gengur brosandí af leikvelli með styttuna í vinstri hendinni.

Brasilía tekur þetta

Þetta verður að sjálfsögðu afar forvitnilegt. Það hefur gengið á ýmsu í aðdraganda mótsins sem tengist í raun ekki fótbolta. Það er því meiri-



Hörður Magnússon

háttar að þetta er loksins að hefjast.

Keppnin er haldin í Brasilíu í annað skiptið. Árið 1950 ríkti þjóðarsorg þegar Úrúgvæ vann Brassana í frægum

leik þegar rúmlega 200.000 manns að því er talið er á Maracana sáu ein óvæntustu úrslit í sögu keppinnar.

Nú er öldin önnur. Brassarnir ætla sér sigur og ég er á því að það takist með Luis Felipe Scolari við stjórnvöllinn. Hann var einmitt með liðið þegar það varð heimsmeistari síðast árið 2002.

Ég tel að Argentína fari mjög langt en ekkert Evrópu-lið hefur unnið keppnina utan heimsálfunnar, undantekning er auðvitað Spánn í Suður-Afríku fyrir fjórum árum.

Ég tel að Lionel Messi og Neymar gætu orðið stærstu leikmennirnir en gríðarlegar væntingar eru gerðar til þessara leikmanna.

Spænska liðið er helsta von Evrópu en það eru kannski einna helst Þjóðverjar sem gætu farið langt, en varnarleikur liðsins er hins vegar höfuðverkur.

Vonbrigðin verða einna helst Holland og Ítalía. Hef ekki trú á að þessi lönd komist langt.

Með öðrum orðum Brasilía verður heimsmeistari í sjötta skipti og Argentína er til vara hjá mér.

Messi fetar í fótspor Maradona

HM haldið í Mekka knattspyrnunnar er eitthvað sem getur ekki klikað, undirbúningurinn hefur kannski ekki gengið þröutalaust fyrir sig en ég tel þó alveg ljóst að gestgjafinn mun setja upp mikið „show“ fyrir okkur. Það hefur verið



Guðmundur Benediktsson

venjan að „heima“-álfan geri vel og það verður engin breyting á því í þessari keppni.

Heimamenn og Argentína eru þau lið sem flestir tala um sem líklega sigurvegara og það get ég tekið undir en ég er einnig sannfærður um að Spánverjar verða áfram í baráttu um gullið á stórmótum.

Einhverjir halda því fram að tími þeirra sé liðinn en þeir hafa eignast nýtt líf með komu Diegos Costa, sem gefur þeim nýjar víddir

í sóknarleik sinn. Frakkland, Þýskaland, Síle og Belgía eru líka þjóðir sem gætu farið langt en Argentína er þó það lið sem ég tippa á að vinna mótið. Þeir eiga besta knattspyrnumann heims í Lionel Messi og það er eitthvað sem segir mér að hann taki '86 Maradona á þetta og sigli þessu heim nánast upp á sitt einsdæmi.

Vonbrigði er orð sem oft er nefnt í sömu setningu og enska liðið og

á því verður ekki breyting í ár. Þeir falla úr leik í 16 liða en gætu þó slefað í 8 liða ef heppnin er með þeim.

Mestu vonbrigðin verða þó Holland þar sem liðið er í fyrsta lagi ekki eins sterkt og sumir halda en það sem er verra er að Van Gaal, þjálfari þeirra, er upptekinn við annað og stærra starf sem mun hafa slæm áhrif á liðið.

Áfram HM!

Íbúfen tæklar verkinn



PIVITA HÚSDIÐ / SIA - Actavis 41.0822



Íbúfen®

– Bólqueyðandi og verkjastillandi

400 mg, 30 stk og 400 mg, 50 stk

Notkunarsvið: Íbúfen inniheldur íbúprófen sem er bólqueyðandi, verkjastillandi og hitalækkandi lyf. Íbúfen tilheyrir flokki lyfja sem kölluð eru NSAID lyf (bólqueyðandi lyf sem ekki eru sterar). Íbúfen er notað við vægum til meðal miklum verkjum eins og höfuðverki, migreni, tannþínu, tíðaverkjum og hita. **Ekki má taka Íbúfen:** Þeir sem hafa ofnæmi fyrir íbúprófeni, öðrum skyldum lyfjum eða einhverju hjálparefna. Þeir sem fengið hafa ofnæmisviðbrögð eins og astma, nefrenslí, útbrot með kláða eða ef varir, andlit, tunga eða háls hafa bólgað upp eftir að hafa tekið íbúprófen eða skyld lyf. Þeir sem þjáðst hafa af sárum eða blæðingum í maga eða smáþörmum (skeifugörm) í tengslum við fyrri notkun bólqueyðandi verkjalyfja, þjást núna af sárum eða blæðingum í maga eða smáþörmum (skeifugörm) eða hafa áður þjáðst af slíku, tvisvar eða oftar, með alvarleg lifrar-, nýrna-, eða hjartavandamál (kransæðasjúkdómur meðtaldir), þeir sem þjáast af umtalsverðum vöskvortum (vegna uppkasta, niðurgangs eða of litillar vökvaneyslu), eru með einhverjar blæðingar (blæðingar í heila meðtaldar), eru með sjúkdóm af óþekktum uppruna sem leiðir til óeðlilegrar myndunar blóðfrumna. **Sérstök varnaðarorð:** Þeir sem eru með rauða úlfa (SLE) eða aðra sjálfnefnað sjúkdóma, arfgengan sjúkdóm sem hefur áhrif á blóðrauða, hemoglóbín (purpuraveiki), langvarandi bólgujúkdóma í þörmum eins og bólgu í ristli með sárum (sáraristilbólgu), bólgu í meltingarvegi (Crohn's) eða aðra maga- eða þarmasjúkdóma, truflanir á blóðfrumnamyndun, vandamál tengd blóðstorkun, ofnæmi, ofnæmiskvef, astma, langvarandi bólgu í nefslímhúð, kinnbeinaholum, kokeitlum eða langvarandi teppusjúkdóma í öndunarvegi, blóðrásarkvilla í slagæðum handleggja og fóta, lifrar-, nýrna- eða hjartavandamál eða háan blóðþrýsting, nýkomnir úr meiriháttar skurðaðgerðum ættu ekki að nota lyfið. **Meðgangandi/brjóstgjöf:** Íbúprófen má ekki taka á síðustu 3 mánuðum meðgöngu. Aðeins ætti að nota Íbúfen á fyrstu 6 mánuðum meðgöngu í samráði við lækni og ef það er algerlega nauðsynlegt. Íbúprófen getur gert konum erfiðara með að verða þunguðar. Þessi áhrif ganga til baka þegar hætt er að taka lyfið. Íbúprófen berst í brjóstamjólk í litlum mæli og brjóstgjöf þarf yfirleitt ekki að hætta meðan á skammtima meðferð stendur. Ef lengri tíma meðferð er áætluð, ætti að meta hvort hætta eigi brjóstgjöf. **Aukaverkanir:** Svartar, tjörkenndar hægðir eða blóðlituð uppköst (sár í meltingarvegi með blæðingum), brjóstsviði, kviðverkir, meltingartruflanir, truflanir í meltingarfærum s.s. niðurgangur, ógleði, uppköst, vindgangur og harðlífi, sáramyndun í meltingarvegi með eða án rofs, þarmabólga og versnandi bólga í ristli og meltingarvegi (Crohn's) og pokamyndun í digurgirni (rof eða fistlar), smásæjar blæðingar frá þörmum sem geta leitt til blóðleysis, sára og bólgu í munni, höfuðverkur, syfja, svimi, sundl, þreyta, æsingur, svefnleysi og viðkvæmni. **Skammtastærðir:** Fullorðnir og unglingar eldri en 12 ára (≥ 40 kg): 200-400 mg sem einn skammtur eða 3-4 sinnum á dag með 4-6 klst. millibili. Hámarks dagskammtur er 1200 mg. Börn 6-9 ára (20-29 kg): 200 mg, 1-3 sinnum á dag á 4-6 klst. fresti eftir þörfum. Hámarks skammtur er 600 mg á dag. Börn 10-12 ára (30-40 kg): 200 mg, 1-4 sinnum á dag á 4-6 klst. fresti eftir þörfum. Hámarks skammtur er 800 mg á dag. Sjá nánar í fylgiseðli. **Börn 12 ára og yngri eiga ekki að nota Íbúfen nema í samráði við lækni. Lyfið er ekki ætlað börnum yngri en 6 ára. Lesið vandlega leiðbeiningar sem fylgja lyfinu.** Ágúst 2013.

Actavis